



Na osnovu člana 61. stav (2) Zakona o upravi („Službeni glasnik Bosne i Hercegovine“, broj 32/02 i 102/09) i Odluke o postupku i načinu izbora dodatnog osoblja u Odsjeku krivične odbrane te uvjetima i načinu obavljanja poslova dodatnog osoblja u Ministarstva pravde Bosne i Hercegovine broj 01-14-2-3800/14, od 29.12.2015. godine, Ministarstvo pravde Bosne i Hercegovine r a s p i s u j e

JAVNI POZIV

U cilju realizacije „Memoranduma o razumijevanju“, potpisanog između Delegacije Evropske unije i Ministarstva pravde Bosne i Hercegovine, raspisuje se Javni poziv za privremeno angažovanje izvršilaca u Odsjeku krivične odbrane Ministarstva pravde Bosne i Hercegovine, na osnovu ugovora o djelu, do isteka važnosti Memoranduma i to:

1. **Pravni savjetnik.....1 izvršilac**
2. **Stażist.....4 izvršioca**

Za obavljene poslove angažovana lica imaju pravo na mjesečnu naknadu u neto iznosu koji će biti preciziran ugovorom o djelu a u skladu sa finansijskom podrškom Evropske unije.

Opis poslova:

1. Pravni savjetnik se angažuje radi pružanja pravne i tehničke potpore odvjetnicima koji zastupaju pred Odjelom I i Odjelom II Suda BiH u cilju rješavanja zahtjeva za pravnom podrškom pred Sudom BiH, uključujući analiziranje sudske prakse relevantnih međunarodnih sudova, kao i pružanje ostalih vidova pravne potpore braniteljima, a u okviru mandata Odsjeka kaznene odbrane, sudjeluje u razvijanju i kontinuiranom unaprjeđivanju programa edukacije za branitelje, koordinira organizaciju i realizaciju seminara, obuka kao i drugih edukativnih programa na teme iz oblasti međunarodnog kaznenog prava, kaznenog prava, vještina zastupanja i ostalih relevantnih tema po nalogu šefa Odsjek za edukaciju u kaznenim stvarima pred Sudom BiH, ostvaruje vezu sa Međunarodnim kaznenim sudom za bivšu Jugoslaviju u cilju koordinacije i unaprjeđenja suradnje između Suda i branitelja, te obavlja i druge poslove neophodne za postizanje ciljeva iz potpisanog memoranduma a po nalogu šefa Odsjeka za kaznenu obranu i šefa Odsjeka za edukaciju u kaznenim stvarima pred Sudom BiH, kojima podnosi izvješće o svome radu.

2. Stażist se angažira da pod nadzorom i instrukcijama stručnog savjetnika i šefa Odsjeka kaznene obrane sudjeluju u pružanju pravne i tehničke potpore odvjetnicima koji zastupaju pred Sudom BiH u smislu praćenja i prikupljanja stručne literature, pravnih stavova i shvaćanja, analiza domaćeg krivičnog zakonodavstva i druge domaće propise koje šef Odsjeka kaznene obrane smatra nužnim, kao i propisa iz oblasti međunarodnog prava, te sudske prakse relevantnih međunarodnih sudova temeljem čega sačinjavaju statističke pokazatelje, te pripremaju izvještaje. Pomažu u razvijanju i kontinuiranom unaprjeđivanju programa edukacije za branitelje, logistički pomažu prilikom organizacije seminara i drugih vidova edukacije (organiziranje smještaja za predavače, avio karte, sale, vode evidencije o polaznicima obuka i održanim obukama. Prema instrukcijama stručnog savjetnika i šefa Odsjeka kaznene obrane, pretražuje dostupne baze podataka Međunarodnog kaznenog suda za bivšu Jugoslaviju i obavlja pripremne radnje za ovjeru istih, te obavlja i sve druge poslove neophodne za postizanje ciljeva iz potpisanog memoranduma a po nalogu šefa Odsjeka za kaznenu obranu i šefa Odsjeka za edukaciju u kaznenim stvarima pred Sudom BiH, kojima podnosi izvješće o svome radu.

Uvjeti: Pored općih uvjeta, da su kandidati državljani Bosne i Hercegovine, da su stariji od 18 godina, da su zdravstveno sposobni, da se protiv njih ne vodi krivični postupak i da nisu obuhvaćeni odredbom člana IX. stav (1) Ustava Bosne i Hercegovine, kandidati moraju ispunjavati i sljedeće posebne uvjete:

Za poziciju pod rednim brojem 1 (pravni savjetnik):

- a) završen pravni fakultet – diploma o završenom VII stepenu ili diploma po Bolonjskom sistemu studiranja o stečenih najmanje 240 ECTS bodova,
- b) najmanje tri godine radnog iskustva u struci,
- c) znanje rada na računaru,
- d) aktivno poznavanje engleskog jezika,
- e) dobro poznavanje krivičnog zakona i krivičnog postupka u BiH, međunarodnog humanitarnog prava, Evropske konvencije o ljudskim pravima i drugih međunarodnih instrumenata za zaštitu ljudskih prava i njihovog tumačenja, kao i relevantne domaće i međunarodne sudske prakse.

Za poziciju pod rednim brojem 2 (stažist):

- a) Završen pravni fakultet – diploma o završenom VII stepenu ili završen drugi ciklus školovanja po Bolonjskom sistemu obrazovanja),
- b) da nije ostvarena ukupno godina dana radnog iskustva u struci,
- c) znanje rada na računaru,
- d) aktivno poznavanje engleskog jezika.

Potrebni dokumenti:

Ispunjenost uvjeta za poziciju 1. (pravni savjetnik) kandidat dokazuje dostavljanjem:

- ovjerene kopije lične karte;
- izjave da nije obuhvaćen odredbom člana IX.1 Ustava Bosne i Hercegovine ovjerenom od strane nadležnog organa;
- ovjerene kopije diplome odnosno svjedočanstvo o završenoj visokoj školskoj spremi. Uz diplomu stečenu van Bosne i Hercegovine nakon 06.04.1992 godine potrebno je priložiti dokaz o nostrifikaciji iste.
- dokaz o završenom pripravničkom stažu, odnosno o radnom iskustvu u struci – dokazuje se uvjerenjem odnosno potvrdom koju izdaje poslodavac kod kojeg je kandidat ostvario potrebno radno iskustvo. Ukoliko kandidat dostavi kopiju radne knjižice, moraju biti kopirane i ovjerene strane od 1. do 7. a uz tu kopiju moraju dostaviti potvrdu izdatu od Fonda Penzijsko-mirovinskog osiguranja o vrsti zanimanja i školskoj spremi sa kojom je ostvareno radno iskustvo ukoliko postoji bilo kakvo iskustvo upisano u radnu knjižicu;
- uvjerenje o poznavanju rada na računaru;

Ispunjenost uvjeta za poziciju 2. (stažist) kandidat dokazuje dostavljanjem:

- ovjerene kopije lične karte;
- izjave da nije obuhvaćen odredbom člana IX.1 Ustava Bosne i Hercegovine ovjerenom od strane nadležnog organa;
- ovjerene kopije diplome odnosno svjedočanstvo o završenoj visokoj školskoj spremi. Uz diplomu stečenu van Bosne i Hercegovine nakon 06.04.1992 godine potrebno je priložiti dokaz o nostrifikaciji iste;
- ukoliko je datum sticanja visoke školske spreme stariji od jedne (1) godine, kandidati su dužni dostaviti dokaz da nemaju ostvaren radni staž nakon sticanja visoke stručne spreme u trajanju od jedne (1) godine dana, ili više (potvrda/uvjerenje Zavoda za zapošljavanje ili ovjerena kopija radne knjižice, uključujući strane na kojima se upisuju podaci o zaposlenju);
- uvjerenje o poznavanju rada na računaru;

Kandidat kojem se ponudi zaključenje ugovora o djelu dužan je u ostavljenom roku koji ne može biti kraći do 10 dana dostaviti uvjerenje da je zdravstveno sposoban izvršiti djelo za koje se ugovor zaključuje i uvjerenje da se protiv njega ne vodi krivični postupak (ne starije od 3 mjeseca).

Kandidat je dužan dostaviti i potpisanu prijavu u kojoj je dužan naznačiti privatnu e-mail adresu, putem koje će Komisija sa njim komunicirati. Kandidat koji u prijavi ne dostavi e-mail adresu, automatski će biti isključen iz daljnje procedure po Javnom pozivu.

Traženi dokumenti moraju biti ovjerene kopije ili originali, s tim da predati dokumenti ne podliježu vraćanju. Sa kandidatima koji ispunjavaju uvjete iz Javnog poziva i koji se blagovremeno prijave na Javni opoziv, obaviti će se pismeno i usmeno testiranje. O datumu i mjestu testiranja kandidati će biti obaviješteni.

Prijave sa dokumentacijom je potrebno dostaviti najkasnije deset (10) dana od dana objave Javnog poziva putem pošte preporučeno na adresu:

„Ministarstvo pravde Bosne i Hercegovine, Trg Bosne i Hercegovine br. 1, 71 000 Sarajevo“, sa naznakom:

“Javni poziv za angažovanje izvršilaca u Odsjeku krivične odbrane Ministarstva pravde Bosne i Hercegovine”.

Nepotpune i neblagovremene prijave neće se uzimati u razmatranje.